

চট্টগ্রাম সিটি কর্পোরেশন

জনসংযোগ শাখা, চট্টগ্রাম

মোবাইল: ০১৮১৯-৯৩০৪৮৮

তারিখ: ২১.১২.২০২৪

প্রেস বিজ্ঞপ্তি

শীতাত্তদের সহায়তায় এগিয়ে আসুন: মেয়র ডা. শাহাদাত

শীতাত্ত দরিদ্র জনগণের সহায়তায় সমাজের বিত্তবানদের এগিয়ে আসার আহবান জানিয়েছেন চট্টগ্রাম সিটি কর্পোরেশনের মেয়র ডা. শাহাদাত হোসেন। শনিবার চট্টগ্রাম মহানগর তরুণ দলের সাবেক সভাপতি মরহুম শওকতুল ইসলাম বিটুর স্মরণ সভা উপলক্ষে আয়োজিত শীতবস্ত্র বিতরণ অনুষ্ঠানে প্রধান অতিথির বক্তব্যে মেয়র বলেন, প্রতি বছর তীব্র শীতে অনেক মানুষ প্রাণ হারান এবং অসুস্থ হয়ে পড়েন। এই পরিস্থিতিতে সমাজের বিত্তবান শ্রেণির উদ্যোগ শীতাত্তদের বাঁচাতে গুরুত্বপূর্ণ ভূমিকা রাখতে পারে। শীতবস্ত্র বিতরণের মতো কার্যক্রম দরিদ্র ও অসহায় মানুষের দুর্ভোগ লাঘবে সহায়ক হবে বলে তিনি আশাবাদ ব্যক্ত করেন। এই উদ্যোগ সমাজের সবার মধ্যে মানবিকতা জাগ্রত করে এবং দরিদ্র মানুষের প্রতি দায়িত্বশীল হতে উদ্বুদ্ধ করে। মানবিক সমাজ গঠন সম্পর্কে মেয়র ডা. শাহাদাত হোসেন বলেন, “মানবিক মূল্যবোধ, সহমর্মিতা এবং একে অপরের প্রতি দায়িত্ববোধের ভিত্তিতেই একটি সত্যিকারের মানবিক সমাজ গড়ে ওঠে। সমাজের বিত্তবানদের শীতাত্ত, দরিদ্র এবং অসহায় মানুষের পাশে দাঁড়ানো উচিত। এতে শুধু শীতাত্তদের কষ্ট লাঘব হবে না, বরং সমাজে সমতার ভিত্তি শক্তিশালী হবে।” তিনি আরও বলেন, “মানুষের প্রতি মানুষের ভালোবাসা এবং সহানুভূতিই মানবিক সমাজ গঠনের মূল চাবিকাঠি। সকলে একসঙ্গে কাজ করলে একটি সুখী ও সমৃদ্ধশালী সমাজ গড়ে তোলা সম্ভব।”

অনুষ্ঠানটি আব্দুল মজিদ রায়হানের সভাপতিত্বে প্রশান্ত কুমার পান্ডের পরিচালনায় হাজারী লেইনস্থ শিব মন্দির মাঠ প্রাঙ্গণে অনুষ্ঠিত হয়। এসময় আরো উপস্থিত ছিলেন চট্টগ্রাম মহানগর বিএনপির সাবেক সাধারণ সম্পাদক আবুল হাশেম বক্কর, দক্ষিণ জেলা বিএনপির সাবেক আহবায়ক আবু সুফিয়ান, চট্টগ্রাম মহানগর বিএনপি যুগ্ম আহবায়ক হারুন জামান, মহানগর বিএনপি যুগ্ম আহবায়ক আহম্মেদ আলম চৌধুরী রাসেল, কোতোয়ালী থানা অফিসার ইনচার্জ আবদুল করিম, মহানগর বিএনপির যুগ্ম আহবায়ক ইয়াছিন চৌধুরী লিটন, মহানগর বিএনপির সদস্য কামরুল ইসলাম, খোরশেদ আলম, আন্দরকিল্লা ওয়ার্ড বিএনপি নেতা কলিম উদ্দিন, আজগর আলী, আবদুল মান্নান, জাকির হোসেন, আলাউদ্দিন আলী, সৈয়দ আবদুল বশর, খন্দকার নুরুল ইসলাম, ইউসুফ সিকদার, আবু মহসিন প্রমুখ।

সন্ত্রাসী-চাঁদাবাজদের কোন দল-মত-ধর্ম নেই: মেয়র ডা. শাহাদাত

সন্ত্রাসী-চাঁদাবাজদের কোন দল-মত-ধর্মীয় পরিচয়ের ভিত্তিতে প্রশ্রয় দেয়া যাবে না বলে মনে করেন চট্টগ্রাম সিটি কর্পোরেশনের মেয়র ডা. শাহাদাত হোসেন। রাজনৈতিক শক্তি, জনগণ ও প্রশাসন ঐক্যবদ্ধভাবে সন্ত্রাসী-চাঁদাবাজদের নির্মূলে কাজ করা প্রয়োজন বলে মনে করেন মেয়র ডা. শাহাদাত। শনিবার মোঃ আব্দুল করিম, অফিসার ইনচার্জ কোতোয়ালী থানা, সিএমপি, চট্টগ্রামের সভাপতিত্বে কোতোয়ালী থানা প্রাঙ্গণে "সিটিজেনস্ ফোরাম মত বিনিময় সভা" অনুষ্ঠিত হয়। উক্ত সভায় প্রধান অতিথির বক্তব্যে মেয়র জনাব ডাঃ শাহাদাত হোসেন বলেন, সন্ত্রাসী-চাঁদাবাজদের কোন দল-মত-ধর্মীয় পরিচয় নেই। ক্ষুদ্র ব্যক্তিবর্গে সন্ত্রাসী-চাঁদাবাজদের প্রশ্রয় দেয়া যাবে না। সুস্থ স্বাভাবিক নিরাপদ চট্টগ্রাম গড়তে হলে রাজনৈতিক শক্তি, জনগণ ও প্রশাসন ঐক্যবদ্ধভাবে সন্ত্রাসী-চাঁদাবাজদের নির্মূলে কাজ করা প্রয়োজন। মতবিনিময় সভায় বিশেষ অতিথি ছিলেন শাকিলা সোলতানা। আরো উপস্থিত ছিলেন উপ- পুলিশ কমিশনার (দক্ষিণ), মোঃ মাহমুদুল হাসান, অতিরিক্ত উপ- পুলিশ কমিশনার (দক্ষিণ), মোঃ মাহফুজুর রহমান, সহকারী পুলিশ কমিশনার (কোতোয়ালী জোন) সিএমপি চট্টগ্রাম। রাজনৈতিক নেতৃবৃন্দের মাঝে উপস্থিত ছিলেন মহানগর বিএনপির সাবেক সাধারণ সম্পাদক আবুল হাশেম বক্কর, মহানগর বিএনপির যুগ্ম আহবায়ক ইয়াছিন চৌধুরী লিটন, মহানগর বিএনপির সদস্য গাজী সিরাজ উল্লাহ, কামরুল ইসলাম, কোতোয়ালী থানা বিএনপির সাধারণ সম্পাদক জাকির হোসেন, সাবেক কাউন্সিলর ইসমাইল বালিসহ সিটিজেনস ফোরাম কোতোয়ালী থানার নেতৃবৃন্দ ও স্থানীয় গণ্যমান্য ব্যক্তিবর্গ। উক্ত মত বিনিময় সভায় কোতোয়ালী থানা এলাকায় আইন-শৃঙ্খলা রক্ষাসহ সকল প্রকার অপরাধ নিবারণে সকলেই সার্বিক সহযোগিতা করবেন মর্মে জানান।

সাজিনাজ হাসপাতালে “বিশেষায়িত ব্লাড ব্যাংকের” শুভ উদ্বোধন করেছেন মাননীয় সিটি মেয়র ডাঃ শাহাদাত হোসেন

চিকিৎসা সেবার মান উন্নয়নের লক্ষ্যে বন্দরনগরী চট্টগ্রামের আরেফিন নগরে অবস্থিত অত্যাধুনিক কম্প্লেক্স বেইস্‌ড হাসপাতাল সাজিনাজ হাসপাতালের নতুন সংযোজন “বিশেষায়িত ব্লাড ব্যাংকের” আনুষ্ঠানিকভাবে শুভ উদ্বোধন করা হয়েছে। আজ/গত শনিবার (২১ ডিসেম্বর, ২০২৪ ইং) বিকালে এই আধুনিক মানের হাসপাতালটির “ব্লাড ব্যাংকের” শুভ উদ্বোধন করেছেন মাননীয় সিটি মেয়র ডাঃ শাহাদাত হোসেন। উদ্বোধন শেষে তিনি হাসপাতালের বিভিন্ন ইউনিট ও কার্যক্রম পরিদর্শন করেন। আধুনিক যন্ত্রপাতিতে সজ্জিত ও ডিজিটাল ল্যাবরেটরী, এক্স-রে, আলট্রাসোনোগ্রাম, আধুনিক মানের অপারেশন থিয়েটার, আইসিউ, এনআইসিউ, এইসডিউ এবং ও মা ও নবজাতক পরিচরার মানসম্মত ইউনিট গুলো পরিদর্শন শেষে মাননীয় মেয়র বলেন, এ হাসপাতালটিতে বিশেষায়িত কমপ্লিট ব্লাড ব্যাংক স্থাপনের মাধ্যমে এতদঃ অঞ্চলের মানুষের জন্য উন্নতমানের স্বাস্থ্যসেবার এক নতুন দিগন্তের সূচনা হলো এবং আমি আশা করছি গনমানুষের চিকিৎসা সেবায় হাসপাতালটি গুরুত্বপূর্ণ ভূমিকা রাখবে। এ প্রসঙ্গে হাসপাতালের চেয়ারম্যান লায়ন সফিকুল ইসলাম বলেন, চট্টগ্রামের সর্বস্তরের মানুষকে উন্নত চিকিৎসাসেবা সেবাদানের লক্ষ্যে আমাদের এই উদ্যোগ। সবার সার্বিক সহযোগিতা থাকলে আমাদের কার্যক্রম পরিবর্ধনসহ আগামীদিনে আরো উন্নত সেবা প্রদান করতে সক্ষম হবো। সাজিনাজ হাসপাতালের ব্লাড ব্যাংকে থ্যালাসেমিয়া রোগীদের জন্য কম খরচে ব্লাড ট্রান্সফিউশন এর ব্যবস্থা করা হয়েছে। একইসাথে ক্যানসার আক্রান্ত রোগীদের জন্য কম খরচে কেমোথেরাপির ব্যবস্থা করা হয়েছে। উক্ত ব্লাড ব্যাংকে ডেঙ্গু রোগীদের জন্য কম খরচে প্লাটিলেট এ্যাপারেসিস্ সেবাও প্রদান করা হচ্ছে। সাজিনাজ হাসপাতালের বিশেষায়িত ব্লাড ব্যাংক এর অন্যান্য সেবা সমূহের মধ্যে রয়েছে গুডে-কেয়ার ট্রান্সফিউশন, কেমো-থেরাপি, হোল ব্লাড, পিআরবিসি, ওয়াসড পিআরবিসি, এফএফপি, প্লাটিলেট কনসানট্রেন্ট, ক্রায়োপিসিটি, ক্রায়ো পুর প্লাজমা, ব্লাড লেটিং, প্লাটিলেট এ্যাপারেসিস্, টিপিই, স্টিম সেল কালেকশন। তিনি বলেন এই হাসপাতালটি ৬০ শয্যা বিশিষ্ট। এর মধ্যে ৩ টি ভিআইপি কেবিন, ২৬ টি সাধারণ কেবিন ও মহিলা ওয়ার্ডে ৫ টি ও পুরুষ ওয়ার্ডে ৫টি উন্নত মানের বিশেষায়িত শয্যা রয়েছে। হাসপাতালটিতে সার্বক্ষনিক বিদ্যুৎ ব্যবস্থা সহ ২টি লিফট, ২৪ ঘন্টা ফার্মেসী ও নিজস্ব এ্যাম্বুলেন্স সার্ভিস রয়েছে। আধুনিক সেবার এ কার্যক্রম চলমান থাকলে আগামীতে হয়তো চট্টগ্রাম, তথা অত্র জনপদের মানুষদের উন্নত সেবা গ্রহণের জন্য ঢাকা যেতে হবে না।

এ সময় আরও আরও উপস্থিত ছিলেন, কোম্পানির ব্যবস্থাপনা পরিচালক ইঞ্জিনিয়ার সাইফুল ইসলাম, হেড অব মেডিক্যাল সার্ভিসেস ডাঃ নিজাম উদ্দিন, ডাইরেক্টর এডমিন জনাব হাসান মাহমুদ চৌধুরী, ডাইরেক্টর ডাঃ মো. এস. এম. সরোয়ার কাশেম রাসেল, ডিজিএম কর্পোরেট ফাইনেন্স জনাব সাখাওয়াত হোসেন, জনাব হাফেজ মাওলানা মনিরুল ইসলাম, জনাব আলমগীর হোসেন- সভাপতি-বায়োজিড শিল্পাঞ্চল সাংগঠনিক, জনাব এস. এম সাইফুল ইসলাম-যুগ্ম আহবায়ক-চট্টগ্রাম মহানগর বিএনপি, জনাব সৈয়দ আজম উদ্দিন-যুগ্ম আহবায়ক-চট্টগ্রাম মহানগর বিএনপি সহ গণ্যমান্য ব্যক্তিবর্গ।

স্বাক্ষরিত/-

(আজিজ আহমদ)

জনসংযোগ ও প্রটোকল কর্মকর্তা

চট্টগ্রাম সিটি কর্পোরেশন।

মোবাইল-০১৮১৯-৯৩০৪৮৮